

若菴集

古今詩

第二冊

毛詩十五國風不列吳楚乃屈宋以騷賦鳴而淮

南八公枚生父子均極辭賦之妙選豈

非山川清

淑之氣積之者愈厚則發之者愈光昌而縣遠也

歟維揚襟帶兩淮扼京口之上流岡圍水沓土風

固雄宜乎人材之傑出也歷稽前代陳檄可愈頭

風張賦競推獨步下訖李能註選秦解倚聲天工

極而人巧錯識者有觀止之歎焉至若前明稱詩

之盛李何高才而朱升之與之爭席其後王李主

盟宗子相乃能分道揚鑣入國朝蛟門蕉飲書

宣諸先達靡不鑽研六義合雅歸風若吾友程君

且碩則尤詩壇之霸才也程君以茂閣而具英姿
於書無所不窺汰其渣滓味厥精英才與識與學
三者備矣以之研經酌史恢恢乎有餘力而於哦
詩也何有往者授徒邗上傾蓋成莫逆交平山社
集歸而泛舟紅橋徧游十八園極觴詠唱酬之樂
丙申夏杪聯袂登蒜山入甘露寺尋米海嶽遺跡
江風陡作怒濤如雷爾時張蓆帆坐舵樓劇譚三
國六朝軼事暨古今人物高下截流而渡神色不
驚我二人之心相期許有度越於千百流俗者荏
苒三四年于役西江校輯通志日無暇晷且碩哀

其詩如千卷索序於余洛誦數過視曩昔所造變
而益上淡宕者如韋沉着者如杜縱橫竒闢者於
昌黎昌谷間自標一格愈歎其為江左之霸而傳
播於後無疑也且碩嫻于經濟行將驥首王路一
展其致澤弘願文學政事兼聖門二科之長吳郡
人風藉以振起豈屑如世之妃青媿白擁被撚髭
者僅僅以詩筆名一家而已哉當湖同學弟陸奎
勳拜書

[Faded vertical text, likely bleed-through from the reverse side]

山清而雲霞蒸水清而珠玉蘊人之具清淑之氣者則亦有異焉而恒發之於所為詩古人之詩不一格沉鬱蒼健古淡排奐莊麗各執一長然莫不挾清淑之氣以與造化相推移故其詩每足鼓盪雲霞湔淘珠玉俾讀之者如入深山大川往往有褰裳躡屐之歎嗟乎余稱詩二十年嘗謂今人詩且未論其造意鍊格琢句用字之工拙先須攬其氣之清濁然後可與言詩若菴先生襟韻澄遠於書無所不窺善古文辭而尤工為詩自余羈遊四方不相見者四五年癸巳春晤於京師歡然道故

出其近詩一編示余讀之知有得於清氣者深矣
古體不專名一家精微處可入唐賢窠窠近體在
温李元揭之間而又決然自成爐鞴譬諸山不必
穹厓絕谷有雲霞則遊觀不窮水不必驚濤駭浪
有珠玉自撫玩不竭矣况從此蠹為嶙峋放為江
海皆其所必至也哉若菴歛然曰余不敏烏能當
此請書之以為序芝栢居士式莊書於京師玉河
橋東寓齋

若菴集第二卷目錄

古今詩

題山中隱居

海安道中

和家霞起兄岑山漱芳閣原韻二首


題吳苕英印譜

宿枕江樓

雨夜舟中

送方二如業師之淮陰

次淮口



新安鎮

望海

憶癸亥春余年十二侍先大人入淮南三
閱月而歸痛先大人卽世迄今十有六
年重過淮陰風景不殊撫今思昔傷何如
也

泊木瀆鎮

鄧尉看桂

毘陵道中

新城看桃花用汪園壁間韻

雨中泛舟城北觀新漲

齋日

茉莉十絕句

秋日偕陳榆庄張瓶城訪喬東湖不遇
階下雁來紅一枝婆婆娑獨立偶賦四絕

秋夜

秋興

并序

金山

送梅嶼歸里中

蕪城懷古

月夜登燕子磯

秦淮河

渡江

西軒納涼

乾鵲行

和汪海樵七夕乞巧原韻

過張家渡

曉發

水口道中

登醉翁亭

度磨盤山

北爐橋

謁包孝肅祠

立夏後三日留別固陵諸友

賦得鄰家酒初熟

余素有松癯舊蓄一株根枝拳曲態狀離奇
字之曰蒼龍叟鄭東邑見而愛之因其能
同好也即舉以贈系之以詩

病中納妾

送新安毛廣文歸龍眠

題方惟叙芳茂亭應破水索

遊法螺菴

喬友張席上贈歌童

和曹銀臺墻頭菊原韻

贈樊玉士

己丑秋日賦答槎亭弟時余將歸岑山省墓

次見贈原韻

題蕭徵父小照

先大父昔於堂右手植枇杷一樹迄今四十餘年高出簷際凌霜蔽日枝葉蒼翠冬春

不改從弟禾書下帷于內頰曰陰讀并系

以詩

禾弟枇杷書屋聽雨同頑礪道人芭亭海樵

用壁間韻

題扇贈歌者王凝士

題畫五首

海陵夏夜妓宴次王延子韻

閏七夕

愁

采蓮曲

戲謝友聲叔惠花箋

四十生日攜內子禮懺寶華山

四十生日感懷

漢占弟招集同人鄭園納涼卽放舟紅橋次

柘谷妹丈韻

題樗巢老人拋釣圖小照

夏夜

題畫竹

立夏前一日王蘭皋舍人招集城南汪氏園

亭

瓜步宿俞園感事

漁灣有感

泊姑蘇城下

胥門懷古

憶舊竹枝詞

戲贈虎丘僧靜機 并序

題美人畫冊六首

童子剗西瓜作燈因戲題之

杜誰堂屬題戴道默司農山水小幅

送表弟吳景穆省親雲中次留別韻

再過秦淮河

題楊公翰棗香村

雪球

秦淮水閣觀劇次海樵韻

再和前韻

為趙念昔題松嶠晴雲畫冊

重立瘞鶴銘碑石歌為陳滄洲太守賦

悼亡姬柏氏

秋夜招念昔鈍于名友天綺自衡斯皇滋蘅

秋屏集飲雙梧閣下限木字

食口外豪豬後腹滿自嘲

雪後宿金陵承恩寺

客金陵探梅永興寺

禾書弟約諸同人瓜洲李園探梅余以事阻

未赴

顧種紙招飲雪中獲晤半廬錦文鶴汀為張

簾田觀濤完樸晴邨簡夫鹿坪諸君賦此

誌喜

一月中兩至金陵

再宿承恩寺

讀顧種紙渡河詩題後

和李環溪明府六月六日集平山堂望江表

諸山原韻

紅橋泛舟和午橋姪韻

納涼

長夏

七月十三夜禾書弟令許氏諸伶度曲東軒

余以宿醒未解不能舉觴臥觀同人拇戰
轟飲殊快詩以紀之

紅橋絕句

咏史

題吳秋屏煎茶圖

題仙山樓閣圖

乙未秋仲勳著弟至自淮陰執手慰藉涕泗

交流爰賦二律

重九後八日邀王帶存白沙村李秋池石湖

唐聽翁諸君子康山小集和秋池韻

送李秋池歸楚再用康山韻

玉禾堂集飲賞燈下瓶菊限三江韻

題藏山上人小照和聽翁韻

送江半廬之吳興

酬宋強齋明府枉駕草堂小飲次韻

題繁川春遠圖送費葦槽歸蜀省墓

寄懷孔東塘戶部兼致築春山館贊

白團扇

奉和環溪李明府枉駕鷺鋤小軒看牡丹原

韻

題王樓村殿撰十三本梅花書屋圖照

送念昔歸長沙

為王名世題照

丙申閏上巳同人集燭泉精舍時牡丹盛開

繡球初放大雨竟日各賦七古一章限閏

字

戲題鍾馗畫

題扇

苦熱

題宣城佟二樓太守北樓圖卷子

九月望後一日雙村招集篠園作展重陽佳

會余以嘉禾之行未赴歸而賦此

家蝶莊饋洞庭枇杷戲作

秋日招集樓村聽翁方山確齋書山印宣彥
來序皇于宮燕山崑元諸公小飲鷺鋤軒
分咏庭卉拈得朱蕉同用五古體

題張允宜踏月詩後

渡江

梁溪道中

夜過惠山不及登秦氏園亭

月夜舟過毘陵有懷聽翁作客廣陵

胥門夜泊

平望阻風雨

不寐

嘉禾道中

雨泊王江涇

已至嘉禾同人約泛西湖因放舟武林

由王店至石門道中

武林道中

將至武林夜雨

西湖六首

湖上歸來一更後即大風雨

復阻風雨平望

赤松子

送唐審齋遊楚次蘧莊韻

同唐聽翁郭雙村賦贈歌者俞南嘉

和宋穉恭除夕元日侍母口號二首原韻

無題效義山體

七月七日改堂太史審齋孝廉招偕聽翁家

泝江奉陪環溪明府遊禪智寺同和壁間

東坡原韻

題侯齋擊壺圖

篠園灌池用東坡無錫道中咏水車韻

雨後廿四橋晚眺

西閣

為蘧莊妹丈題小照

題滌存姪遺墨

送郭雙村入都

梅磳種梅歌為權與表姪賦

篠園十詠

題劉乃承觀稼圖行樂

題蘇武歸漢圖

贈宋子介三

題楚帆圖送高崢之楚

賦送飯山公車北上次留別原韻

喜方扶南攜家南還用見贈原韻

題王振公倚杖聽泉圖

曝書二首

題朱天綺尊人雪鴻先生畫梅遺卷

諸同人篠園集飲同賦得九日杏花

若菴集卷第二

古今詩

題山中隱居

江南

程庭

且碩

茅屋翠微裏人耕屋上田
槽頭浮白墮爨下曳清泉
磴仄無樵徑雲深有鹿眠
山中忘甲子猶記避秦年

海安道中

一入吳陵道河流細細分
參差交碧藻穠稭膩黃
雲遠火依魚簷餘杭散鴨
群野人桑苧外塵事未經聞

和家霞起兄岑山漱芳閣原韻二首

閣為其先人所建今

重葺之

高閣臨無地溪聲六月寒
蒼松懸絕壁恠石咽狂
湍當戶來山色凭欄落
釣竿故鄉歸未得可許
夢中看

宛在中流裏山光破浪來
疎鐘敲夜月飛瀑響晴
雷勝事傳重見芳樽約
共開他時相把臂長嘯
一登臺

題吳苔英印譜

石鼓遺文久不作侏儒辨難都
荒唐大半漢兒強

識字斑斕銀海空茫茫堪嗟士學不師古
六書與

義淪胥亡松溪吳子才何壯超然獨不趨
時尚搜

竒捫遍古鐘彛鐵筆直追秦漢上鈎畫蒼
蒼蚪蚪

文盤孛隱隱龍蛇狀況乃有叔良不癡
謂聽翁吳興

太守天人姿胸吞雲夢可八九衝口都成
幼婦辭

由來家學端有本豈比廣陵紈袴兒憶昔
江波十

月寒披裘鼓櫂躋岑山為我敬摹
天子筆縱橫

金錯如揮翰從此山靈增秀色赤文綠字
青琅玕

自笑顛狂無善步探囊頗有驚人句願君攜
去歸

黃山勒上蓮峰最高處

宿枕江樓

怒濤喧不定彷彿雨聲中一覺清幽夢百年身世
空晚煙江上白落日海門紅遙聽沙汀畔漁歌起
夕風

雨夜舟中

孤篷聲淅淅涼雨響空秋攪亂一宵夢平添萬斛
愁世情歸魯酒心事看吳鉤不及芒屨客飄然五
嶽遊

送方二如業師之淮陰

及門經八載藹若坐春風淮浦煙波裏黃山夢寐

中夕陽橫遠岸寒雪喚孤鴻別恨已無極何堪又
歲終

次淮口

淼淼波光天際開茨防星列竹薪材沃焦亂滾黃
雲下桐柏遙搏白雪來落日帆檣公路浦疎煙楊
柳伯倫臺太平不用澄清慮草野非無砥柱才

新安鎮

纖月未分明寒潮暗裏生岸低喧吠蛤戍野亂催
更園柿堪蒸釀河豚慣斫羹轉因名觸處撩動故
鄉情

望海

縱目蒼茫作勢雄
滔滔萬派獨朝東
鯨波倒接乾坤白
蜃氣翻蒸日月紅
不棄細涓成浩瀚
還容污垢養鴻濛
乘槎欲問支磯石
莫誚儒生道已窮

憶癸亥春余年十二侍先大人入淮南三

閱月而歸痛先大人即世迄今十有六

年重過淮陰風景不殊撫今思昔傷何如

也

淮水依然繞故居
重來惟有倍欷歔
徒增馬齒風塵長
尚卧牛衣歲月虛
憑几時教攻二典

時方授
余尚書

過

庭常訓惜三餘
回頭一十六年事
老大何曾熟父書

豚犬如兒絕不材
低回往事不勝哀
垂髫只解鳩車戲
應客常邀鳳字來
一篋遺經從子廢
九原懷抱向誰開
當年記得辭淮水
幾度呼看認釣臺

泊木瀆鎮

小橋通野市
遠岫入溪煙
僧磬夜初靜
漁燈人未眠
長腰炊玉粒
縮項煮銀鱖
願得携琴酒
牽蘿葺一椽

鄧尉看桂

老耆集 卷二
鄧尉山光接水光西風橘柚過湖香扁舟不爲梅
花引鐵幹橫斜影已狂

老桂連蜷蔽竹扉天香一路撲人衣欲尋山寺不
知處時有鐘聲出翠微

人家大半入煙蘿小艇便嫖掠綠波幾陣歸鴉殘
照裏滿湖齊唱採菱歌

秋香濃處便停車路入茶山草徑斜最愛陸家齋
似舫一池紅蘸紫薇花

毘陵道中

插架分畦熟果蔬桔槔聲急亂蓬蔭一江秋水平

如簾小艇斜橋喚賣魚

野港平波處處通蜻蛉閒趁藕絲風江村細雨人
歸晚犬吠柴門老樹中

新城看桃花用汪園壁間韻

村巷錫簫處處聲東風搖曳最關情薰酣草徑千
林蝶啼逗糟床一院鶯人倚紅樓煙莫定花明碧
水鷺空驚矍鑰醉遍笙歌月不是江城是錦城

雨中泛舟城北觀新漲

碧浪拍堤秋水生一江疎雨鏡中行偏反荷葉風
無定淺濶萍花魚有聲淺綠鱗皴新釀滿退紅漱

灑晚霞明乘流繞遍雷塘路不盡興亡感客情

齋日

厨下清齋似太常石泉活火爨黃梁助余鼎俎饒
蔬笋慣使貧兒纏齒羊

茉莉十絕句

冰雪丰姿分外妍移人偏在晚風前趁他嫩蕊含
芳意串就鮫珠顆顆圓

雨過涼生日影斜筠籠滿貯市兒譁漫言春去芳
菲歇六月街頭夜賣花

澹影溶溶漾碧紗晚來親撚玉鴉叉好乘浴罷簪

雲髻低向檀郎問整斜

寶珠攢就水晶毬消盡炎蒸赤火流幾度幽香生
帳底風標一色玉搔頭

多情投贈頗稱宜玉骨生香別有姿却笑尋常徒
俗艷只知紅豆寄相思

素質溫柔助晚妝玉容皎潔襯膚光此卿應是神
仙種能向紅爐逗冷香

瘦影添將月影肥依稀粉蝶一叢飛輕盈素手團
成玉清夜簪來奏羽衣

吳兒年少最翩翩秀鬢濃蛾入畫筵狂客幾回腸

欲斷花枝人面一般妍
窺簾點點散流螢香氣繽紛滿院庭團扇納涼花
底坐微風輕颺護花鈴
開向閒亭對夕暉朱闌面面擁成圍莫教紅袖輕
相折雅韻偏宜伴雪衣

秋日偕陳榆庄張瓶城訪喬東湖不遇

攜手相尋處士廬逶迤曲巷得幽居到來未見伯

倫鍾坐久空迴仲叔車

時閔賓蓮亦來
相訪不期而遇

四壁新詩三徑

竹一簾秋色半床書呼童笑問先生處踪跡浮雲
任所如

階下雁來紅一枝婆娑獨立偶賦四絕

梧葉飄殘玉井空獨留孤影艷秋風人人盡道春
光好杜宇聲聲怨落紅

草堂秋老半荒蕪賴爾清幽興不孤笑指階前聊
戲客越人昨夜貢珊瑚

清夜無聲玉露零多情待雁立中庭笑他妃子嬌
無賴酣睡東風喚不醒

謝客朝朝三徑閑聊將敗葉自除刪一枝伴我清
尊側分得餘光上醉顏

秋夜

何以銷長夜呼盧興盡闌參差星影澹歷亂柝聲
殘別檻芙蓉墜孤吟蟋蟀寒床頭舊揮塵零落不
堪看

獨酌不成趣昏燈暗落花百年催節候萬慮逼韶
華冷氣驕山鬼星光亂瞑鴉誰家樓外笛悲咽似
邊笳

秋興

秋興詩自少陵而後可以無作作之者多
見其不知量矣然詩所以道性情在少陵
固有少陵之愁而余亦復有余之感各言

其志可也然則秋興詩又安在必不可復
作也耶

空江露下楚天高萬里秋風起壯濤逐影青驄堆
鞞鞞泛香紅玉煖葡萄探搜滄海虛藜火頡頏雲
霄媿彩毫同學少年多勝事琵琶爭唱鬱輪袍
磬磬鴻影遍秋原雨露遙施北闕恩小吏陰操泉
布術使臣高踞繡衣尊筵前錦瑟邀燕玉花裏銀
刀雪乳豚欲向醉鄉深處問就中誰是鄭監門
龜策休言慎竈知帝心培覆杳難窺江南淚漬波
千頃塞北書傳麥兩岐岸獄蒼生嗟莫及潢池赤

老耄集 卷二
子竟何為窮猿夜嘯秋聲底空惹閑情夢裡悲
邗江江口竹西亭疊疊驪歌送北行入粟才華通
御座揮金義俠動瑤京郎官未必饑方朔婚嫁於
今累向平儒服豈因多病棄封侯原不是書生

金山

獨上輕舸破浪游閒依佛火暫淹留兼天波撼孤
峰寺倒壑風吟老樹秋一墓於今餘亂石三山從
古說雄州當年豎子成名處感慨悲歌漫倚樓

送梅嶼歸里中

萋萋堤上草皎皎園中李遊子憶故鄉扁舟歸練

水執手難盡言行行且復止念茲遠別離載酒江
之汜歸思何匆匆知君心有以高堂有老親日夕
虛甘旨極目望天涯念此遠遊子行乎君努力奄
忽流光駛迢迢邗水長相去千餘里別後長相思
尺素憑雙鯉

蕪城懷古

覆井離披燕麥青當年歌舞此曾經荒堤仍舊春
眠柳燐火依稀夜聚螢縹緲瓊花寧有種風流煬
帝幾時醒曲中留得安公子調犯淒涼不耐聽

月夜登燕子磯

老耆集 卷二
絕壁亭孤聳臨磯夜艤舟波翻千里月風擁一江
秋逸興偏宜酒新寒欲換裘閒心誰與共惟自許
沙鷗

秦淮河

臨流一帶水亭斜傳說當年歌舞家綠樹無人還
繫馬紅樓竟日只棲鷗金湯已重黍離感蟠踞空
餘興廢嗟夾岸天桃渾不解只今猶發滿枝花

渡江

無端又泛江南棹竟夜勞勞夢不安急浪每多乘
宿雨濁醪何以敵新寒聊堪放眼乾坤濶未便舒

省道路難却羨磯頭簑笠客煙波穩把一漁竿

西軒納涼

却客成余好靜心何妨城市即山林當檐不畫青
松障綠樹偏留半院陰

雀舌纖鬆蟹眼圓素羹香泛碧如煙茗柯自是饒
名理惠水擎來活火煎

蜂蝶忙忙無定時甌蘭綴露兩三枝爭持獵取將
歸去簷角冲飛觸網絲

散髮披襟扇不揮軒楹水靜掩雙扉悄無人處敲
烏几風顛瓶蓮墜故衣

臥疴聊可遂歸愚消得機心靜裡無聒耳亂蟬鳴
不已讓他睥睨據高梧
閒玩南華內外篇倦來便自枕書眠晝長襪襪經
過少僥倖塔前草得全
欲效墻東避世難數椽棲息卽心安由來無竹令
人俗旋種蕭疎一兩竿
窓眼迎風向北開逶迤小徑長莓苔琴書清韻無
羶味莫訝群蠅杳不來
負手凝眸望碧空雲巒作態幻無窮纔疑海上三
山景頃刻裝成紫玉宮

永日琴書慰寂寥茗甌相對伴清宵西鄰年少饒
豪興隔院香風送玉簫

心遠不聞車馬轟杳無俗響到書城翛然一陣黃
昏雨滴上芭蕉聲更清

露井流清足品題愛他斜傍苑墻西澆花最是閒
中課素綆銅瓶手自携

惰龍僵臥雨如珠愁見軒除草亦枯新政也應甘
澤降幾番頒示斷屠沽

捫腹逍遙繞曲廊倦餘一枕黑甜鄉商量避俗渾
無計旋拆疎籬築短墻

茶具安排置座隅，枯腸端賴此君濡。玉川風味殊
清雅，浪被人呼作酪奴。

喝雉偎紅意不濃，平添一味是疎慵。近來興致山
僧似，未必山僧靜似儂。

焚香散髮讀楞嚴，疑義頻頻下幾籤。最恠摩登何
術幻，禪心不許絮泥黏。

邊腹便便擬渴蛟，茶鐺石火漫頻敲。麴生暫爾相
違別，不是亡情便絕交。

一夜渾忘護曲闌，封姨狂處落英繁。狡童不說因
風敗，報道無端鼠齒殘。

曉滴花陰露氣融，徘徊曲徑納迴風。閒中自得清
涼訣，莫把冰心語夏蟲。

乾鵲行

乾鵲乾鵲朝朝飛，集茅簷角欣然爭噪報晴明。簷
下老翁淚雙落，三時雨澤未沾濡。田河龜坼禾苗
枯，旱魃赤地走千里。高低隴畝成荒蕪，今春穫麥
曾幾斛。盡入官糧猶不足，里胥夜半打門呼。新增
漕項多名目，敝衣典盡安能贖。空瓶何計撐枵腹，
自昔諺言曾熟聞。鳩聲喚雨鵲呼晴，整日含愁看
鵲起。入耳不聞鳩婦聲，鵲兮鵲兮何鵲突。胡不朱

門樓閣闕豪家迥與貧兒別君不見城中絃管聲
不歇夜捲珠簾邀璧月

和汪海樵七夕乞巧原韻

聞道雙星亦謫仙

相傳牛郎娶天孫時負帝錢十萬不還故譴責其一年一度會云

歡逢終

是欲淒然從教痴態群相乞未必閒心與作緣天

上銀河還駕鵲人間金井已枯泉

時方苦旱

坐看兒女

陳瓜酒夜半松梢滴露圓

過張家渡

莫訝嗟行役臨流一渡艱停驂依白渚放眼失青

山羣旅爭延竚孤舟獨往還却輸鷗鳥意飲啄有

餘閒

曉發

戍柝聲初歇行人早啟扉野煙籠馬首清露濕征

衣斷續晨鷄遠橫斜星漢微曹騰醒未熟殘夢尚

依稀

水口道中

柴門何僻靜取徑入幽篁俗樸饒雞犬時豐足稻

梁一犁山雨潤幾架荳花香自笑風塵客棲棲道

路長

登醉翁亭

好乘新霽後勝地一留連峰轉疑無路亭開別有天
千秋存鏡幹歐陽公手植老梅一株至今花甚茂盛一百道走銀泉不盡
探奇興風流憶昔賢

度磨盤山

山勢鬱蒼蒼穿崖徑轉長紆迴何所似聊可比愁腸

北爐橋

傳是魏武帝鑄兵器處

策馬登橋勢莽蒼還留魏武冶爐場漢家城闕今何處一綫寒流帶夕陽

謁包孝肅祠

祠在定遠縣治內公嘗宰是邑

一笑比河清森然未許親奇踪曾判虎遺事尚驚人
百里絃歌在千秋俎豆新殘碑猶可識讀罷欲沾巾

立夏後三日留別固陵諸友

不憚高歌行路難淹留旬日罄餘歡林鶯無語春
先返宿雨初收徑漸乾離別尊前今共醉雲山馬
上獨回看此間風景尤堪戀處處朱欄護牡丹
自愁無計暫徘徊匹馬今朝獨擬回大半勾留花
事好不如歸去鳥聲催曉來未許征衣薄晚霽行
看積霧開剩壘殘碑沒荒草而今楚漢總成灰

賦得鄰家酒初熟

竹西亭畔無佳醅，眉攢齒裂相揮杯。
夢魂夜夜思京口，蕭齋茗椀空徘徊。
何處芳馨墻外透，輕清欲共梅爭瘦。
更聽槽頭滴玉蛆，聲聲似響蓮花漏。
鄰翁豪興誠難得，朝朝從事糟床側。
聞道松醪釀已成，鷓鴣杯泛梨花色。
隔離竚望遙相呼，曼倩畢卓真吾徒。
狂奴此際興不淺，願假一斗聊相娛。
君能飲我，我能復草堂棗熟任君撲。

余素有松癬舊蓄一株根枝拳曲態狀離奇字之曰蒼龍叟鄭東邑見而愛之因其能

同好也卽舉以贈系之以詩

蒼龍怒鬣擎雲狀，根移黃海蓮峰上。
霜雪年年耐歲寒，虬枝蟠結黃磁盎。
竒君亦有林泉癖，一朝割愛持相餉。
香葉堂鄭子堂名中好護持，此君石友相依傍。
從今不問竹平安，時當報我松無恙。

病中納妾

露清風靜夜披帷，入戶雲藍小袖垂。
嬌女閒心添戲謔，細君着意好扶持。
燕泥半墮還營壘，蝶粉初殘欲上枝。
笑聽藥爐聲正沸，抽毫聊寫自嘲詩。

送新安毛廣文歸龍眠

五載蕭然獨冷官
士風端賴挽狂瀾
蒲輪未下金臺遠
絳帳長懸練水寒
張詠纔揮誅僕劍
陶潛早挂進賢冠
他年耆舊無多語
共指蓮峰是杏壇

題方惟叙芳茂亭應破水索

何地乘槎問客星
萬山深處一茅亭
醇醪作供顏常赭
泉石論交眼倍青
脫帽汀前調野鶴
揮鋤松下劔雲苓
此間不減南陽樂
况有當時共醉醒

亭居

去破水
僅咫尺

遊法螺菴

澗下鳴泉咽冷松
石梁斜矗度雲峰
籃輿歷盡不

知午出谷輕風送遠鐘

喬友張席上贈歌童

銷魂一曲最撩人
背燭雙蛾暗自顰
寄語東君深護惜
柔條只恐未勝春

幾翦秋風上碧梧
清宵暗露濕金鋪
坐中誰得針神巧
貫取離離一串珠

翩翩年少擅歌場
秀鬢濃蛾上畫堂
曲裏幾曾微有悞
周郎不顧顧周郎

內有一
童周姓

扶疎桂影簸中庭
急管哀絃不可聽
我亦清狂杜書記
斷腸最是雨淋鈴

是夜演天
寶遺事

水樣疏簾丁字垂高低曲勸淺深卮移情但覺鶯
聲巧落盡梧桐秋不知

盈盈秋水雙眸翦按拍調絃歌宛轉生小誰言慣
是慙就中早解愁深淺

和曹銀臺墻頭菊原韻

錦繡參差覆苑墻高含玉露向朝陽吹殘海月還
留影散落天風遍有香孤潔傲回青女信輕清逗
入黑甜鄉莫言騎屋多狂態欲伴松陰送晚涼

贈樊玉士樊有口技

春當婪尾偏寥落亂雨淋浪翻芍藥興索澆書苦

不豪腹煩攤飯那能著欵門忽報樊生來賓客兒
童轟戲謔咄哉樊生才技優布衣到處交王侯冰
署筵中曾一識與余意氣渾相侔四座無譁悉傾
耳滔滔舌底如奔流飄來梵樂何淒清時聞嬌鳥
啼春晴喁喁兒女小窓語怒蜂觸紙鳴嚶嚶若然
孤角邊城起鉦鏃四壁弓刀鳴羣儕拍手爭叫絕
聞得從來所未聞樊生勸汝一杯酒汝是吾徒掃
愁帚百年三萬六千場日日逢君開笑口

已丑秋日賦答槎亭弟時余將歸岑山省墓

次見贈原韻

瓦屋住西頭朗爽推難弟共入少年場共客邗江
汭在昔擅人文風流杳難繼慚余材比樗鮮能名
一藝君乃天人姿摘辭與古儷倚馬常萬言不受
毛錐制勃窣為理窟超超稱獨詣揮塵發雄論暢
蘊抉機核足未踰閩闕名已轟燕薊胡不遊帝鄉
俯仰多壯麗儀舌今尚存季裘豈終敝定識立談
間反掌掇高第應念有傖兄窮年苦匏繫夢寐本
相忘廊廟隨磐厲聞道富春山木落秋容霽故國
稻粱肥黃雲膩畦啜孤艇掠煙波便僂穿蓊翳江
梅綻小春征帆好重曳佇見草明光閭閻迎郭細
造化具深情長才無坎際

題蕭徵父小照

菡萏風搖麝月香謝家清夢繞池塘亂頭麤服神
偏好畫裏蕭郎是六郎

水邊林下靜無譁裁就新篇麗彩霞不似北窓閒
跂足張張只解摘琵琶

先大父昔於堂右手植枇杷一樹迄今四十
餘年高出簷際凌霜蔽日枝葉蒼翠冬春
不改從弟禾書下帷於內顏曰蔭讀并系
以詩

老集 卷二
蔽芾柯枝歲月深一編終日好隨陰
直乘雨露干霄上莫負殷勤種樹心

禾弟杞杞書屋聽雨同頑疆道人
芭亭海樵用壁間韻

江城老屋虛堂左西偏古幹偏婀娜
屹立扶疎四十春蔽燠凌寒樹曰可
挈來風雨似有情鏗錚遙和讀書聲
乃公鶴髮興不淺慣自篝燈倚杖聽
蠟兄錫字非無謂雪窖青蒼始能貴
聳身天矯入雲霄不肯低頭等凡卉
丈夫毋負少年時豈遽甘同草木姿
盪胸經史一萬卷橐筆能傾倒峽詞
慚余

樗質頽唐久青袍醜態羞羣友關心
禾稼較陰晴挾冊居然兔園叟

題扇贈歌者王凝士

凝士手携便面乃趙秋谷先生書自作游
仙三絕句余見而愛之凝士舉以相贈因
賦此書箑以酬木桃之報余知陋矣

雙眸秋水一泓清擅曲王郎舊著名不信
但看緜嶺上猶傳子晉會吹笙

摺扇題詞字字香愛他才子最踈狂會當
出入珍懷袖未便秋風篋底藏

題畫五首

綠肥叢底雪搏胎染向吳綾帶露開記得軸簾鸚

鵲喚玉人斜插鬢雲來

右玉簪

道人手寫兩竿竹石角苔痕點杏花曾共嫣然離

落下因風拂我帽簷斜

右竹杏

墨池拂拂荷風起揮汗揮毫圖不已那是憐他似

六郎花中尚有真君子

右蓮花

淡掃朱顏冷豔中羅裙何事妬薰風便教多買臘

脂畫爭似筵前酒面紅

右榴花

每憶龜茲風味豪饒涎整日泛狂濤道人腕底渾

無賴故作含漿賺老饕

右葡萄

海陵夏夜妓宴次王延子韻

娟娟露滴綵衣涼旅館張燈出素妝檀口恰宜歌

玉樹柳腰偏解舞霓裳行看驟去愁千斛莫厭頻

來酒百觴螢火也知人豔處飛飛只傍鬢雲香

閏七夕

萬家鴛瓦露華籠兒女重喧繡閣中目注洗車添

慶雨

時方憂旱情舒祭杼尚金風

南風久聽蟋蟀吟梧井遲放蟾蜍吐桂宮遙識雙星

當此夕幽歡未與隔年同

愁

麾却不肯去頻來那待呼縱橫九萬里俯仰一身
孤酒力斯須退睡鄉還與俱願言居白下相對莫
愁湖

采蓮曲

涼風拂拂散紅香結束新妝上小航畫槳却須輕
蕩去花邊睡熟兩鴛鴦

戲謝友聲叔惠花箋

探囊片片彩霞生滑笏還疑玉露明十色襪來新
樣好前身應住錦宮城

魚卵浮光膩欲流松滋未合獨封侯慚無彩筆虛
君貺敢道能修五鳳樓

玉版宗風迥出塵芙蓉為骨水為神刹那便證光
明地叅得無心斑道人

四十生日攜內子禮懺寶華山

結宇依蓮萼雲峰疊萬層四山籠雨去一杖掠煙
登曲磴鳴歌石長松冒古籐深林人語出中有採
樵僧

誌公習禪地黃花洞獨幽樹聲纔過雨山色更宜
秋石蹲猛如虎雲歸散似鷗莫辭殘照落須上最

高頭

誰識隆昌寺亭亭俯衆巒
紆迴雛鳥失麤糲老僧

餐佛火熒金殿蓮花護戒壇
宗風漸零落賴此挽

狂瀾

卓帽聯椎髻相慚老歲華
近辭歌吹地遠問法王

家滌俗聆清梵探竒上小車
霜楓懸絕壁天半落

朱霞

四十生日感懷

長揖親朋謝綺筵何堪歷歷話
從前風搖柳質牀

支骨雪撲麻衣髮覆肩
慈範幾曾留素影

先慈痛未傳真父

書空自守遺編泉臺莫問孤兒事
襤褐而今四十

年

野鳥聞歌慣避人藥爐書卷最相親
文無竒句驚

天地腹有癡情笑鬼神翡翠巢中矜
白雪櫻桃花

底曳朱輪江湖坐令身空老
泝泝徒教手不龜

已完婚嫁向平忙身世猶餘老大傷
卓帽蕭騷吟

月露黃腸寂寞冷秋霜重諧金石
翻新調亂踏雲

山入故鄉不為長齋工佞佛就中心
事托空王

是日

禮懺

華山

男兒四十未成名攬鏡無端白髮生
竹葉盈尊分

麝帕梅花小閣暖瑤笙徒增馬齒羞壬子
靖節少陵香山皆壬子
生獨向書田呼癸庚漫復徵歌娛四座揚州孤月
最淒情

漢占弟招集同人鄭園納涼即放舟紅橋次

柘谷妹丈韻

小徑掩雙扉玲瓏玉一圍歌停花外舫涼沁酒邊
衣疎雨斷還續閒雲留不飛聊當六月息把臂莫
言歸

移舟新霽後漠漠野煙輕荷芰饒清韻溪山有遠
情堤邊迷柳色橋外咽簫聲偏是瑯琊客揮杯百

感生

題樗巢老人拋釣圖小照

樗巢老人松鶴姿腹中空洞杳難窺可憐閒却屠
龍手獨許風標公子知

雲夢淒淒淮水寒陰符大業久闌珊客星一出渾
多事賺盡英雄是釣竿

老氣橫空壓九州當年曾遍五陵遊臨淵不是無
心羨却訝而今用曲鈞

飄然鬚鬢奪銀濤劇飲高歌氣獨豪定識捲綸應
有意終從海上釣神鰲

夏夜

鬢華皜雪膚桃笙含馥郁階戶靜無聲流螢度疎竹

題畫竹

去
干霄千尺姿露粉凝香絮颯然風雨驚一夜成龍

去
立夏前一日王蘭皋舍人招集城南汪氏園

亭

煙凝芳草塵如麴三月蕪城櫻筍熟鳩婦頻呼朝
雨殘鼠姑爭散明霞簇歷亂花枝壓帽簷城南車

馬何喧闐一時畢集多名宿交情端爲主人賢獨
步江東第一流行旌到處傾王侯四海咸知習鑿
齒萬戶不換韓荊州鬚眉朗爽率天真落筆文章
信有神筵上每題紅杏句醉後還書白練裙扁舟
近作蕪城客客裏殷勤開綺席花光圍繞上罌罍
柳色迷離侵琥珀莫因風雨爲春愁猶得濃芳竟
日留不禁狂呼群拇戰頻施狡獪競藏鈎清音雅
會偏瀟灑婆娑醉影堪圖畫風流應不減蘭亭千
秋當共傳佳話

瓜步宿俞園感事

參差萬柳罨長堤問道柴門逕轉迷苦竹斜生穿
戶入野禽驚起背人啼虛隨塞上傳歸馬還信中
山有放麕不盡尊前興廢感江流東去夕陽西

漁灣有感

曹銀臺嘗集漁人打魚於此壁間有公題咏

朦朧舊事尚零星戩楫無聊上小汀落日蒼茫迷
遠樹寒濤寂寞打孤亭漁歌歎乃空相憶雁語酸
淒不耐聽漫剔碧苔尋好句魚龍欲起晚風腥

泊姑蘇城下

鬢影衣香觸處濃停橈何地覓芳蹤祇今冷月霜
篷下靜聽寒山寺裏鐘

胥門懷古

俯江雉堞勢岩堯抉目孤臣恨莫銷九死餘生邀
擊絮一時霸業屬吹簫春秋盟會原虛誕蠡種功
名總寂寥到底不忘吞越志至今猶有大夫潮

憶舊竹枝詞

錚鏦蓮漏徹春宵絳燭成行跋更燒綰得碧雲停
綺戶清文法曲子延簫

王清文南曲擅名秦子延工簫皆吳門人

雙雛嬌小語如簧底事東君著意防自入華清歸

菊部桃花人面總茫茫

左蠡姪二歌童今入教坊供奉

火樹銀燈入眼紅曙光堂下玉梅風黃羊釀就椒

花雨頭沒深杯笑馬融

嘗共馬植公於蝶莊
姪處飲酒皆大醉

白下尋歡我最狂金元燄段奏深堂碧桐花底偷

攜手驀聽聲聲索紫郎

金陵夏季旭招飲觀劇
有歌伶紫郎余極愛之

春風駘宕燕呢喃浮拍槽丘慰老饞花壓帽簷雙

袖重酒痕還染項斯衫

余曾大醉狼籍
污項景原衣襟

白頭龔老貌癯清北調琵琶最擅名羣屐少年爭

折角檀槽誰掐斷腸聲

龔印生老而工北曲
沒後無有能嗣之者

戲贈虎丘僧靜機

并序

師妙年韶秀雅復工文賦性詼諧偏能好

客生公石上揮毫愛縱豪吟短簿祠前疎

磬閒飄清梵時維復月恰逢飛管之初僕

本恨人偶泛渡江之櫂飲芳言於綺席接

仙侶於蘭舟悵歸去兮匆匆正笑言兮宴

宴積緒如絲舊游成夢既而水雲行處錫

飛楊子之橋瓢笠攜來杯渡瓜洲之渚情

同叔寶慣耐多愁跡示維摩還教善病相

逢握手無非斷腸之辭臨別贈言總作銷

魂之句秀師休誚其綺語乎哉蘇子曾聞

姑妄言云爾

憶昔相攜虎阜登紅絃綠酒罨銀燈兩行歷歷春

鶯亂

時有群校書在座

一翦盈盈秋水凝乍病人扶驚再拜

新愁客至許頻增閒情我與陶家別願作梅花樓

下僧

一曲驪歌意黯然峭帆相訂試燈前會須釀酒開

蓮社還許燒豬上畫船不忿吳山青若黛生憎邗

水綠于煙霜風獵獵催人去空惹柔情膩粉箋

題美人畫冊六首

拍盡哀笳淚不乾嚴霜侵透紫貂寒玉關猶向生

前入千古交情一阿瞞

右文姬

怨絕琵琶不顧身燕山一出靖邊塵漢家偏待功

臣薄麟閣何妨畫婦人

右出塞

踰蹊寶幢雲中聳環珮聲隨蓮步擁一翦香風萬

點飄散歸天下多情種

右散花

幾度沉吟心事幽詩成隨付御溝流憐他片葉廉

纖物寫出長門百斛愁

右題葉

花影遲遲罷曉妝含情無語獨淒涼背人偷試寧

王笛一曲東風恨許長

右吹笛

纖手親將玉粒持芳情低囑綠衣兒莫將花下羞

郎語傳向閨中小婢知

右餉鸚鵡

童子剝西瓜作燈因戲題之

取爾離離實別作清涼國函茲火齊光映出琅玕
色

杜誰堂屬題戴道默司農山水小幅

尚書翰墨最風流曾昔金章賜殿頭不入浣花溪
上賞千秋誰識戴滄洲

送表弟吳景穆省親雲中次留別韻

其尊人作
大同令

班馬蕭蕭蓋篋輕離亭紅樹亂啼鶯一樽花月同
人意千里關山游子情家世尚傳黃閣舊風霜偏
耐白登行遙知雪窖羝羊地大有絃歌戶外聲

再過秦淮河

一曲青溪舊狹邪歌頭羣讓十娘家喚茶鸚鵡渾
無語風曳數枝紅蓼花

題楊公翰棗香村

柴門深處棗花香端策垂簾日月長莫學桃源充
大隱故隨流水賺漁郎

雪球

參差繡遍玉玲瓏應是東皇著意工蹴踘香塵光
蕩漾流蘇茜帳影朦朧瑤星散處明千點素雪凝
成冷一叢不似柳棉心性懶幾回團起又隨風
鞦燈步吳蓉邨原韻

老耆集 卷二
巧製玲瓏襯素羅光添星火豔偏多畫梁風蕩因
移步綺席人憐未踏歌徑軟莫能留淺跡魂銷寧
止在秋波迷離醉眼煙籠處似有湘裊六幅拖
巧樣輕盈宛似弓生蓮步下許相同筵前孃孃雙
飛豔掌上輝輝一捻紅不畏夜闌仍小立應憐露
冷待微烘侍兒攜取偷看笑想像如何底樣工
鳳頭點點繡花枝巧出人思世所竒自是掌中呈
豔態還疑星下赴佳期館娃步屨廊前見妃子霓
裳舞後遺誰道此卿惟夜色晝閒清玩也相宜
何須究問楚腰纖綽約全無俗態沾良夜恰逢燈

月映巫山勿致雨雲漸光搖藕覆滕衣名花俱璨韻
挹蘭膏色更兼珍護莫教珠露濕直須煙燼貯香
奩

錦襪飄颺逗淺幫春宵乍上鬱金堂祇將花蝶盈
盈繡那藉金珠欸欸妝玉煖莫愁紈素薄夜深宜
向翠帷藏閨中更有猶憐意素手爭攜細細量
纖羅裁就不須奢幫雀雙銜並蒂花片燭光搖三
寸焰一庭風顫半鈎斜踟躕錦帶垂紅穗縹渺銀
河落彩霞不似水晶簾下見見人惟露一些些
嬌紅分艷上紗窻疑是蓮花供法幢不共蘭香溫

翠被却憑鳳蠟映銀缸池邊遙擬珠光吐枝上還
驚月魄雙愛惜持將高下戲階前驚起小馴龙
底印難將碧蘚埋却宜金屋夜安排纖腰未佩蒼
龍玦弱質難勝玉燕釵把玩祇應懸斗帳提攜莫
漫出宮街恠佗一握風流處如此依依動客懷

秦淮水閣觀劇次海樵韻

青溪舊夢恰重尋花壓金鋪小院陰歌板最宜當
畫檻絲絲波面泛餘音
臨春璧月已迢迢舊譜零星上玉簫燒燭祇傳新
院本傷心最怕說南朝

撲簾疎雨釀輕寒散盡觥籌不放寬隔岸便鄰桃
葉渡曲中無語獨凭欄

南部流傳竹肉齊伊凉唱罷轉銅鞮天香靜夜清
如水無數春鶯遶檻啼

再和前韻

舊事如煙不可尋輕雲隨意作秋陰風流九髻王
曇首子野情深獨賞音

檻外雞籠路不遙泠泠松籟接笙簫紫雲歌遍叅
軍舞如此江山是六朝

秋風初報玉簫寒杯底從來天地寬蓮箭頻催腰

鼓急一簾酒氣沁雕欄
宮井埋煙燕麥齊銅駝
寥落卧銅鞮一聲南內銷
魂曲彷彿花飛杜宇啼

為趙念昔題松嶠晴雲畫冊

曾上籃輿問岱宗
晴空歷歷削芙蓉
雲生一片飛孤鶴
松結千秋化老龍
碧嶂乍分懸冷瀑
翠濤小響出疎鐘
披圖何意重經覽
長嘯揮杯擲短筇

重立瘞鶴銘碑石歌為陳滄洲太守賦

鮫人夜騎烏角鯨
珍珠亂泥滄波蕩
馮夷搥急鼓聲死
湘女雲和淒不響
怒龍擎天天外飛
十丈珊

瑚歸鐵網斑斑碧
繡土花幕雲氣橫
空星錯落羽衣化
去舞山香石骨峻
嶒傳瘞鶴蛟宮空
鎖無支祈鼻鼻汗流
不敢却煙迷薦福
轟雷霆昭陵寂寞
埋蘭亭華陽真跡
閱千載寒濤捲盡
罡風腥吳門太守
瀟湘客燃犀奪出
鼉鼉宅

悼亡姬柏氏

兩年相伴病休文
鵲尾爐香靜夜焚
他日玉鈎斜下路
落紅深處喚朝雲
孤墳風雨草離離
燐火楓根暗照時
為怕樵蘇迷不識
墓門小立斷腸碑

秋夜招念昔鈍于名友天綺自衡斯皇滋蘅
秋屏集飲雙梧閣下限木字

蟋蟀吟秋陰蕭森下羣木空際捲黃雲層層壓茅
屋卧對床上書腹煩那能讀惟念素心友楚音杳
空谷走彼雙奚童報我松醪熟適意忘主賓充盤
饒野藪小鬟花面粧嘈雜陳絲竹用以博羣賢一
笑傾千斛

食口外豪豬後腹懣自嘲

染指初嘗公鼎鼈澆殘茗汁那除煩因知邊腹甘
麤糲最怕羊羣踏菜園

雪後宿金陵承恩寺

雪亂石頭城松關佛火明凍禽棲不穩蠟屐印無
聲月瘦籠光厚鐘寒入夜清那知殘臘裏猶作未
歸情

客金陵探梅永興寺

不知春有意先已逗禪關野水帶殘雪江雲戀遠
山一枝疎磬外三徑老松間何用攜樽酒清芬醉
客顏

禾書弟約諸同人瓜洲李園探梅余以事阻

未赴

老翁集 卷二
弱弟好文翰探竒興更賒衝寒攜襪被帶雨問梅
花夢遶池塘畔愁縈春水涯遙知疎影裏卜夜泛
流霞

顧種帑招飲雪中獲晤半廬錦文鶴汀為張
蔗田觀濤完樸晴邨簡夫鹿坪諸君賦此
誌喜

檻外鍾山矗秀峰雪花新染玉芙蓉慙勤賢主還
相約邂逅名流許暫逢驚座談傾三峽水臥樓人
對六朝松點晴便爾長騰去老筆於今莫畫龍
一月中兩至金陵

江水自東去情偏與客親轉當風雨急不厭往來
頻余兩渡江皆于
雨雪中張帆磬落煙中寺香分雪裏春一帆梅下
過兩作隴頭人

再宿承恩寺

殘臘辭僧去春江寒更生好攜京口酒重問石頭
城小院碁聲靜半窓梅影清不勝連夕醉茗椀暫
相傾

讀顧種紙渡河詩題後

孤棹渡黃河濁浪鳴湯湯寒風摧白草悠悠道路
長揮手出門去千里遙相望丈夫生有志弧矢在

四方胡為守蓬蒿幽谷蘭空芳知君重踟躕白髮
垂高堂冰雪滿天地鴻雁獨南翔翹思顧復思罔
極安能忘聆茲遊子吟淚下沾我裳

和李環溪明府六月六日集平山堂望江表

諸山原韻

江南雲起白英英爭向層巒疊處生雨過田疇添
野色風清琴鶴有餘情泉通灑灑瀨由來潔

第五泉相傳源通蜀

江月帶瀟湘分外明真賞樓前浮遠黛橫陳直與

簾紋平

疎磬茶煙僧院閒雨餘初放隔江山半篙綠影籠

清靄滿淑紅衣散醉顏相賞每多泉石意高吟偏

向竹松間

韓詩出宰山水縣讀書松竹林

歐陽定有遺碑在別遍蝸涎

碧蘚斑

紅橋泛舟和午橋姪韻

閒却鞦韆雙畫旗當歌莫放掌中卮紅香冉冉綠
波滿肯為觚稜負此期

湖光蟾影夜悠悠橋外簫聲起客愁一片冷雲依
佛火夢華留得絳仙樓

波明雁度一行書沒遍苔磯夜雨餘閒趁畫船輕
蕩處湘簾水閣嫩涼初

納涼

雙梧閣下月初窺一剪輕涼枕簟知強客妄言空
說鬼哄堂不為撒園菱

長夏

跣足科頭亦自如無情熱客任迴車老夫更有稽
康癖長日憎人索報書

七月十三夜禾書弟令許氏諸伶度曲東軒

余以宿醒未解不能舉觴卧觀同人拇戰
轟飲殊快詩以紀之

錦瑟銀燈列後堂秋風初試薄羅裳還虛月魄三

分影早逗梧桐一院涼倚枕聽歌偏宛轉袒衣呼
酒縱顛狂昏昏卯飲渾無賴獨注清宵茗椀香

紅橋絕句

寶障湖頭淺淺波玉勾斜下草成窠游人那管興
亡恨偏唱當年水調歌

山光柳色共婆娑城角風吹起綠波頻喚榜人移
艇子藕花深處管絃多

咏史

縱爾婁豬笑茂陵傳鞬綠幘贊彤庭人奴笞罵差
方免早又平陽降衛青

破賊爲奴未足雄，忍將姐已賜周公。銅臺剩得分
香伎，伏魄須臾早過宮。
山頭凍雀語含悽，陵廟荒涼渡渭時。何負朱三還
作賊，箕裘偏自五經兒。
三垂岡上酒頻醜，鐘簾還瞻舊羽儀。一掃橫屍三
十里，軍中怕殺李鷓兒。
俛首兒皇劇可憐，石郎千載負餘羶。空傳十萬橫
磨劍，却陷盧龍四百年。

題吳秋屏煎茶圖

松風謾謾綠波斜，宛是東籬處士家。擘得月團三
百片，不教寂寞負黃花。
少微星合近茶星，糟粕紛紛幾醉醒。爲問莫愁湖
下水，自然滋味勝中冷。

海鶴清姿桑苧衣，共矜狂瘦勝癡肥。容余畫裏探
名理，請折松枝作塵揮。

題仙山樓閣圖

清淺蓬萊日月長，娜嬛萬卷足徜徉。人間煙火都
無用，白石桃花是飯糧。

乙未秋仲勳著弟至自淮陰，執手慰藉涕泗
交流，爰賦二律。

僕指驚心四載餘
 盲風恠雨最模糊
 文章有恨遭屠伯
 經濟無端問腐儒
 百折銷磨留故態
 一呼翻悔悞成盧
 清宵耳熱悲歌起
 碎擊筵前玉唾壺
 白奪高吟變徵聲
 男兒能死乃能生
 於今功業齒常冷
 自古疾王面半黥
 聊譜香詞題粉帕
 且招紅袖弄瑤笙
 青萍共約屠龍去
 莫笑踈狂兩弟兄

重九後八日邀王帶存白沙村李秋池石湖

唐聽翁諸君子康山小集和秋池韻

綺羅堆裏覓清閒
 剩得城東屋後山
 竹樹亂鳴黃葉下
 帆檣倒影白雲間
 高人卜築市能隱
 上客文

章管合斑應有琵琶來
 月底漏聲初報漫言還

送李秋池歸楚再用康山韻

松石清標鷗鷺閒
 東園終是戀商山
 霜毫遍染滄洲趣
 綺句應留天地間
時方為秋池梓其近藁
 愛我豈真痴足

嗜送君空說淚成斑
時余閉關卧病不獲餞別
 歸帆便問晴川閣

黃鶴仙人還未還

玉禾堂集飲賞燈下瓶菊限三江韻

人與花爭瘦
子甫病起
 分枝向夜牕
 好全孤傲性不受
 雪霜降澹影
 搖緜帙清芬撲
 玉缸小春消息逗
 蜂

蝶趁雙雙

題藏山上人小照和聽翁韻

霜皮露幹結坡陀山鳥無聲冷綠莎底事阿師跌
坐久寒潭中隱毒龍窩
彷彿香林散曼陀錫聲飛渡卓青莎水雲定處空
無覺笑覷閻浮泡一窩

送江半廬之吳興

一棹煙波茗雪間懸知風味最清閒流霞釀遍箬
溪水泛雪烹殘顧渚山春寺鶯啼文社冷野橋雲
散亂花殷漫愁別後仍爲客望裏鄉園信宿還

酬宋強齋明府枉駕草堂小飲次韻

客來花恰放小徑值芳辰臘嘗色偏淡園蔬味獨
真詩情何跌宕梅態任橫陳相與忘言處應難喻
俗人

題繁川春遠圖送費葦櫓歸蜀省墓

欖槍西亘黃巾起紛紛屠割人如蟻玉壘縱橫白
骨撐錦江赤血成江水可憐高士將安歸何處西
山賊采薇竄身鬼窟荆榛底月黑驚鳥繞樹飛菜
萸灣下春波綠牽蘿旋葺三間屋牙籤十萬出娜
嬛閉門四世挑燈讀鄉山迢遞杳難通腸斷王孫
畫卷中祇今海宇銷兵久夢裏還愁說獻忠罡風

忽隕少微星從此啼鵲不再聽嗣君捧圖續遺志
不辭萬里行伶俚傳聞道豐碑儼然在俎豆重陳申
懷愼送別休歌蜀道難瞿塘水定為君退

寄懷孔東塘戶部兼致築春山館貲

春山館與秋水亭皆

戶部所居石門山中別業秋水亭取少陵秋水清無底詩意命名春山館即少陵題張氏隱居故址也

懷君夢入春山遠愛我情逾秋水深千載名題傳
勝跡一椽小構任登臨非同于頓買山鏹不用昌
黎諛墓金伐木早成亭館好相期泓上聽龍吟

白團扇

齊紈新裂雪皚皚幾度香閨費剪裁最是晚涼亭

子上避人浴罷手攜來

搖曳雲衣暑氣收自憐丰韻怯清秋分明懷抱團
團月不倩吳剛玉斧脩

奉和環溪李明府枉駕鷺鋤小軒看牡丹原

韻

天香草草短籬遮小雨空濛散亂霞蝶粉應沾千
葉潤燕泥故弄一絲瑕同枝琢玉工無匹卽席揮
毫點不加最是琴堂清暇日高懷肯過野人家

題王樓村殿撰十三本梅花書屋圖照

瓊英如水浸茅堂畫境依稀似夢鄉未便孤山稱

老耆集 卷二
伉儷恰宜羯鼓伴清狂幽姿含素非凡潔傲骨凌
寒更有香宛若陳思傳洛賦風流偏近十三行

送念昔歸長沙

簫聲吹透綠楊絲楚客遙興故國思一艇煙波搖
落日五年風雨臥荒祠抽毫共羨傳鸚鵡踞案空
憐食蛤蜊添得樽前心緒懶三春頻賦送行詩。

為王名世題照

一幅明泓水竹居芸編位置儘蕭疎豪情縱不求
章句春夏從來好讀書

雪乳融香泛素蘘茗柯滋味幾人知休將介甫消

風散浪試龍安騎火棊

丙申閏上巳同人集燭泉精舍時牡丹盛開

綉球初放大雨竟日各賦七古一章限閏
字

十二珠簾春晝靜葡萄沁遍桃花汎銀塘重試采
蘭期麗人爭掃芙蓉鏡遮莫銅街亂雨飄犢車隨
處香成陣此時狂客獨無聊閒理茶鐺疏肺病閉
門誦罷蘭亭詩惜惜無復登臨興長鬚叩戶來相
招汪倫帶雨開三徑參差玲瓏含淺黛天香濕透
鞵紅潤恍如浴罷舞霓裳裊裊煙鬟扶不定莫憶

長安問水濱一觴一詠偏幽靚臨風把酒祝東皇
願今歲歲添餘閏

戲題鍾馗畫

北風榆臘吹昏沙楓根捲葉髯槎枒鈎棘縱橫翻
亂麻嘯雨啼饑白項鴉笨伯鰲題烏巾斜懸肩羈
鼻形龔苴電睛睽暘髯支查吻腥涎血流朱霞狂
犀颺曳阿香車肥胡隍呬飛衙衙軍持妖冶菖蒲
花怒剝蝕月金蝦蟇畢方魃蜮不敢譁終南捷徑
人徒誇可憐魑魅爭光華請君崑崙礪莫耶斲盡
鬼脯成帝艸母使世路終紛拏和風朗日清無涯

山窓彈指呼蘭闌

題扇

虛窻水靜影蕭蕭墨汁初融香未銷幾陣迎梅疎
雨過圓荷清脆似芭蕉

苦熱

火雲烈烈燒銅峯胡僧咒鉢煎蛟宮大凝山傾老
冰潰蒼鵝鼓翅空撩風八尺琉璃澁不滑珊瑚枕
凹流珠紅美人汗逼桃花色交揮團月酥手慵三
勒融漿味成蠟藕空十丈徒玲瓏斯時熱客興不
淺巾車席帽紅塵中

題宣城佟二樓太守北樓圖卷子

依舊澄江似練明披圖聊繫古今情五言紅藥詩
中錦一桁青山畫裏城俯檻偏饒桑柘色繞欄還
有讀書聲千秋最是難忘處不惜餘芬到後生

九月望後一日雙村招集篠園作展重陽佳

會余以嘉禾之行未赴歸而賦此

在昔聞坡仙名言誠不朽但值花月期令節時時
有郭侯一輩賢默會斯意久已收落帽風再泛茱
萸酒知我將吳游留我意殊厚愧我駑下材碌碌
牛馬走孤篷冷雨中爽約負良友彬彬大雅集趨

俗我形醜我昨渡江歸月波

宋時秀州酒名

攜數斗旋剖帶

霜橙還剪秋園韭掃徑招羣賢共識此情否小齋
菊正黃我又逢重九

家蝶莊饋洞庭枇杷戲作

酒壓枯腸掃不開盈籠盧橘迸瓊來若教錯寫吟
箋字定是韓公大忽雷

秋日招集樓村聽翁方山確齋書山印宣彥

來序皇于宮燕山崑元諸公小飲驚鋤軒

分咏庭卉拈得朱蕉同用五古體

灼灼朝霞光綠葉分離披體直復守中卷舒良自

宜丹枕輸白日含意無人知願結君子歡攬擷聊相貽

題張允宜踏月詩後

玉筵吹風冷素波繁華燈火未銷磨蕪城水調飄零久爭唱張郎踏月歌

渡江

瓜州古渡水淙淙殘月零風透客窗舟子不教驚夢醒一枝柔櫓剪秋江

梁溪道中

平山山色有無間此夜江南許近攀恰喜澹煙明

月裏不曾遮却九龍山

夜過惠山不及登秦氏園亭

山光水色碧如煙別築亭臺杳靄邊繞石鳴泉流細細巢雲高樹影娟娟留身空詡千金劍負郭曾無二頃田老我風塵遠丘壑醉歌題壁又三年

月夜舟過毘陵有懷聽翁作客廣陵

紅蓼青蘆蘸晚煙窺人皓魄十分圓却當倚櫂三

更候誦爾招涼八詠篇

聽翁有消暑吟物詞八闕最佳

書篋江湖頻作

客盤餐蔬笋乏烹鮮

時方下榻余舍

遙知坐我雙梧閣鄉夢

來縈第二泉

晉門夜泊

城柝一更盡涼蟾水上生此時扁畫閣何處響銀
箏亂火人爭渡驚鴉樹作聲千年歌舞地空抱古
今情

平望阻風雨

黯黯重雲散石尤半江黃葉亞輕舟還從滴瀝篷
窻下遙問鴛湖煙雨樓

不寐

新寒犯客衾聽雨秋江上淅淅打孤篷更比芭蕉
響

嘉禾道中

柔櫓嘔啞泛小艫碧花紅穗點秋江愛他夾岸漁
村好潑雨侵衣不掩窻

雨泊王江涇

射襄橋傍繫扁舟冷雨催風打浪頭戍鼓殘宵孤
驛斷縑車茅屋一燈篝粼粼波影分胥浦曖曖桑
陰接秀洲綠笠青蓑正吾願誰如洗馬渡江愁
已至嘉禾同人約泛西湖因放舟武林

曉霽東風轉錢塘路不遙人隨秋雁影舟趁浙江
潮覽勝賫雙屐心飛繫六橋况逢菱蟹熟處處酒

旗飄

由王店至石門道中

秋穫村村足田家風味饒柔桑環郭店香醞逗斜
橋郭店斜橋皆所歷地名老屋響春杵微燈候緯蕭客情探勝
劇未肯暫停橈

武林道中

一抹疎煙隱翠微明霞魚尾射斜暉蜻蛉棹去白
鷗起紅樹蕭蕭冷釣磯

將至武林夜雨

濃淡湖光西子名廿年深抱水雲情布帆無恙東

風穩祇乞秋旻三日晴

西湖六首

帶雨關心枕上消湖光朝氣爽堪招四山黃葉界
三竺十里碧波眠六橋香引壁車籠寶髻歌停畫
舫鬪瑠簫轉因葭露蒼蒼候點染秋容更秀韶
霜林紺宇抱雲阿依麓亭臺近水多楊柳半垂扶
曲檻鷺鷥乍立上殘荷香風絲竹牙檣集冷逕莓
苔蠟屐過杯酒一澆蘇小墓西陵松柏影羅羅
岩堯南北俯雙峯小艇籃輿處處通綠綺絃鳴青
嶂裏紅籐杖倚白雲中汲泉僧供雨前茗枕石客

看霜下楓更愛煙鬟初斂際一湖秋水漾玲瓏
枕流漱石冷泉亭拾級還登最上層絕壁丹楓翻
夕照隔溪蒼鼠啣枯籐樓臺簇處迷歌舞鈴鐸閒
情話廢興可得有緣叅白業容余作箇打包僧
更訪韜光寺徑斜山腰紆折鎖煙霞龕前僧定飄
松子爨下泉流曳菊花葉葉帆檣三浙水鱗鱗城
郭萬人家探竒直上籐蘿外繭足空思覓小車
倚窗翹首謝山靈肯放嵐光一日晴茗椀閒來翻
越絕菱舟歸去唱吳聲梅花曾是逋仙種魚膾空
傳宋嫂羹此際勾留重惆悵熒熒燈火上層城

湖上歸來一更後卽大風雨
激灑空濛嫵媚姿到來晴雨搃相宜老夫更得橫
陳態恰在初晴欲雨時

復阻風雨平望

荆王夢繞高唐觀倩女魂銷妒婦津何事吳江平
望驛慣懸風雨打行人

赤松子

會集分賦

炎帝御六龍用汝作霖雨辟穀餌玉漿丹砂非所
取入火不能然軒軒獨霞舉笑彼帝者師孺子奚
足侶

送唐審齋游楚次蘧莊韻

驪歌一曲十三樓湘水離離注遠眸冰暑言懽聯

舊雨謂年方伯旗亭卜夜入新愁聞漢上伎館極盛雲停漢口依

歸艇雪映晴川點客裘莫遣歲寒文社裡屠蘇飲

遍少龍頭

同唐聽翁郭雙村賦贈歌者俞南嘉

竹裏論文縱酒時羊車扶下可憐兒微酣斜倚銀

屏曲撲朔雌雄那易知

髻學盤鴉髮似濃玉山頽倒醉林宗謂雙村褰帷一

笑驚相識曾在岐王宴上逢

城上蝦蟆點亂催泥卿迴步盡餘杯湘簾匝地東

風軟空賺啣花燕子來

旅况蕭蕭擁敝裘幽懷獨抱暗凝眸樽前人面偏

相觸更引新愁上小樓指聽翁

和宋穉恭除夕元日侍母口號二首原韻

摩娑卷帙喚長恩苦被蟬殘觸眼昏鳩杖遂君烏

鳥願牛衣添我杜鵑痕團團獻釀偏婪尾矍鑠含

飴漸耳孫最是繞階森玉樹不曾落筆誤金根除夕

菽水年年樂自如何求仕宦執金吾閨幃禮法推

賢母家世文章列丈夫餞臘新桃喧爆竹縈春綵

勝顛流蘇萊衣不作斑斕錦笑看宮袍漾白鬚元日
無題效義山體

幽蘭咽露漂媽紫雌鳳悽吟秋月死富平年少嬌
無愁一生玉軟迷花底十二峯頭聚碧煙彈破湘
江五十絃青陵臺下雙棲鳥不化鴛鴦化杜鵑無
情網罟鞦韆索行駝莫綰游絲弱散雲團雪不成
聲銀瓶綆斷蛟龍攫玉鈎斜濕疎疎雨笙囊繡襪
埋香土橫塘西畔裊西風蓮衣褪盡蓮房苦

七月七日改堂太史審齋孝廉招偕聽翁家
泮江奉陪環溪明府遊禪智寺同和壁間

東坡原韻

爽秋臨駕鵲靜林無噪蟬寺角搖青嶂松濤響碧
煙畫舫依沙渚籃輿陟阜顛磬飄羣籟息僧定一
燈懸布金傳煬帝題石愛坡仙暫尋田父趣共樂
使君賢滿盞叨醇醞修綆汲廉泉雨餘禾穉極露
洗竹嫵娟晚風生習習歸影散翩翩蠟炬未須列
螢火方熒然

題侯齋擊壺圖

蟾寒桂老僵不蘇戰場五色雲糝糊蒟騮空悲伯
樂去璠璣擲棄珍砮砮唐君才藝天下無早歲獻

賦承明廬有時仗劍事戎馬慷慨欲封狼居胥焦
桐何處彈流水立門未習齊王竽古今際會良不
易斯人俯首埋菰蘆阿瞞曾作解事語壯心伏櫪
堪歎歎東吳丹青多妙手一時爲寫擊壺圖我聞
在昔傳王大豸聲蜂目行恣睢老奸狂態那足效
休更當筵缺唾壺鼓坎坎歌鳴鳴爾我懷抱終難
舒請君亂揮鐵如意碎擊十丈紅珊瑚

篠園灌池用東坡無錫道中咏水車韻

輓轆啞軋鳴雛鴉穿堤溜決奔銀蛇一池蓮紅已
墜粉幾叢芡白纔抽芽文鴛刷羽依淺沙簌簌蘸

影森衙衙冷懷坐此愛澄澈日斜尚駐偏轆車

雨後廿四橋晚眺

負手行吟越陌阡雨餘新釀嫩涼天遙峯隱隱月
初起橋外野塘飄白蓮

堤柳蕭條螢苑荒當年繞檻綺羅香玉人何處簫
聲歇僧寺殘鐘送夕陽

西閣

孤閣俯城闈十笏不盈丈心遠絕塵氛此中得幽
賞主人松柏姿逍遙披鶴氅卷幙坐焚香靜挹朝
來爽

為蘧莊妹丈題小照

穉柳天桃散碧隈科頭野步縱徘徊米家書畫供吟賞不用牽船岸上來

漠漠蒹葭繞鷺鷥伊人宛在水中湄圍摩六一同呼遍莫訝偏工幼婦辭

蘧莊行九故云

題滌存姪遺墨

老兔淒清倚素秋天香綻處墨光浮一枝飄墮冰輪外碧漢瑤臺夜夜愁

謝家寶樹昔亭亭小劫罡風嘆寧馨郗氏也曾遺一篋白頭撫罷任飄零

題劉乃承觀稼圖行樂

梧竹清妍遠市囂疎簾小閣倚東臯才人每愛親農叟買犢何須待賣刀幾剪風生翻翠浪一犁雨足潤紅膏臥龍抱膝寧忘世更羨超宗有鳳毛

梅磴種梅歌為權與表姪賦

張子手把寒香集索我一吟梅磴詩大庾羅浮夢不到冰魂雪魄空遐思聞爾西溪頗幽邃當年榛莽紛離披子獨荷鋤日疏理老樹悉挺干霄姿坡陀紆折露奇秀旁通曲磴清漣漪石梁斜矗雲迷徑中橫十萬蚪龍枝濛濛帶水度清影陰陰隔岸

浮香絲怡堂欄檻遙相矚玉壺春酒常堪携有時
客散還獨賞瑤笙九髻臨風吹孤山風味殊冷峭
爾能樂此都忘疲老夫俗塵那能拂馬箠手版終
朝隨作歌付爾翻自笑鄉山不返將毋痴請貯臘
醅三百斛待我春江放棹時

篠園十詠

韻限夕陽雙寺
外春水五塘西

蒼翠暑亦寒蒙茸冬尚碧乾坤與草堂割據爭主
客中有忘機人把卷怡晨夕今有堂

澁繡屈古鐵縱橫影微茫天然姑射姿破雪生寒
香灼灼桃李花隨處艷春陽脩到亭

曲沼分湖波竹筧流淙淙吹來稻花風作雨冷幽

窗圓沙水空碧白鷗停一雙初月泚

壘土臨前榮刻菴非一簣柔條含煦光欣欣有生

意此地得春先不比溪邊寺南坡

蒼筤十萬竿深翠團如蓋三徑裊清風戛玉鳴天

籟客塵且停揮相賞忘言外來雨閣

軒靜絕塵滓恠石當戶蹲好客時一來共酌梨花

春蒼松閱著書片片成龍鱗暢餘軒

辟穀叅叅同大道在糠粃煙火人間食不沾編貝

齒清齋五粒香佐以上池水飯松菴

新火颺茶煙春風餘穀雨翻翻婪尾花潤潤紅膏
土當堦流艷光璧月常三五紅藥

堤柳臥不起芙蓉媚野塘誰謂汙泥中雪膚挹清

涼幽人披素襟臨風揮羽觴蕩

晦堂發無隱鼻觀觸木犀連蜷月中枝叢植小山

西野寺數聲磬隨香過別溪桂坪

送郭雙村入都

千林霧凇北風號縛袴黃皮繫孟勞卿相定謀烏
集關煙花莫戀廣陵濤探搜滄海分宮炬吐納雲
霞炫彩毫同是江南老狂客鸞雄空盼九天高

題蘇武歸漢圖

老母終堂妻去幃山川滿日故人稀節旄零落空
英蕩不載單于服匿歸

贈宋子介三

跋扈飛揚別一家咀含子史吐奇葩石渠有意求
稽古合載甘泉第七車

南極依依近紫微佳山佳水莫忘歸那知廿載紅

塵裏閒着新安老布衣

鬚眉朗爽氣峻嶒一往深情感廢興破帽疲驢黃

葉下書生題遍十三陵

古調今人解者難
鈍根自許得觀瀾
與君他日攜
焦尾共上蓮花峯
頂彈

題楚帆圖送高崢之楚

春風吹楊柳鬱鬱垂長條
之子之楚游握手江之
舉驪歌清且婉對酒慘不豪
丈夫生有志胡為守
蓬蒿出門有知己萬里勿云勞
以子鸞鳳姿寧終
枳棘巢智士謀作達
愚者空鬱陶去去瀟湘間
觴咏聊逍遙

賦送飯山公車北上次留別原韻

薇露新詞字字妍
低頭牀下敢隨肩
戰場五色人

迷慣遲爾南宮二十年

年時聯臂入歡場
戶小行觴儘較量
此去紅綾供
餅餡掉頭不戀束脩羊

幾度裁書染翰遲
故人輦下重余思
憑君莫話年來狀
不是花天酒地時

宮袍映簇杏花新
端屬春林宴上人
千佛名經高
列處風流文采搃推君

喜方扶南攜家南還用見贈原韻

煙花夢裏訪瑤簫
寂寞空餘廿四橋
璧月二分留
素影蒲帆十幅趁
寒潮重欣泛宅歸鄉國
更羨香

名飲聖朝執手問年還共訝樽前蒼髮已先焦

河水初泮水盈盈寒勒梅花雪又生落燈後河冰復合 蜡月

渡君公路浦春風吹我闔閭城君於殘臘臨邛余于入日

千家釵燕迎新靄幾點檣烏噪晚晴昨自兼天波

浪裏有人換柁剪江行余歸舟渡江值大風

西風驢背挈村篳曾作燕臺汗漫游三尺桐絲供

獨賞千金馬骨幾人收名經仕宦文方著山近皇

都勢更道好倩秋厓為我計乾坤何處可依劉

文若披金不見沙慧生胸臆艷生牙旗亭紅袖歌

桃葉簾凡烏絲搨韭花海內咸推君繡虎社中應

笑我塗鴉相逢未幾輕相別惆悵雲天各一涯

題王振公倚杖聽泉園

泉鳴松籟兩悠揚嘯傲烟霞寄興長盡笑風塵埋

俗耳豈知天壤有王郎

丘壑應容我置身游踪歷歷記分明曾經黃嶽鳴

絃峽側帽沉吟似此情

曝書二首

郝家便腹阮家禪笑我縑緗篆蠹痕愧殺年年殘

臘底杳無盃酒到長恩

八駿神遊御望舒雀梁還曝羽陵書當時親見西

王母不請仙方辟蠹魚

題朱天綺尊人雪鴻先生畫梅遺卷

一幅幽香素影橫不須驢背費探尋東臯小試和
羹手聊許孤山共此心

鐵幹如經玉斧修箇中詩句更清幽而今浣露披
遺澤竹裡應添讀畫樓

諸同人篠園集飲賦得九日杏花

余往嘉禾未赴

窺籬媚眼一枝春偏與陶家氣味清也識西風吹
帽客不輸芳草玉樓人

桃李無言澹麴塵芳姿先逗向秋旻可憐未插茱

萸者不是春林宴上人

國

